

## **Theologiæ Sacramentalis Scholasticæ Et Moralis Pars ...**

Ad Mentem Doctoris Subtilis Ioannis Duns Scoti D. Augustino conformen

In Qua Tractatur De Impedimentis Matrimonii, Usu Et Divortio

**Bosco, Jean a**

**Lovanii, 1685**

Concl. III. Raptus solius fœminæ, causâ ineundi Matrimonium, jure novo Tridentini dirimit cum ipsa Matrimonium, quamdiu est in potestate raptoris.

---

[urn:nbn:de:hbz:466:1-73448](#)

*arg. Adver-*  
*sariorum.*

lis, & materia potest convenire utriusque sexui, masculinum comprehendit fœminum, etiam in penalibus & odiosis, juxta doctrinam Bartoli, communiter receptam, l. Iura, in fine ff. de LL. Atque ita Clement. I. de Regularibus statuit, ut Religioli Mendicantes ex Pontificis licentia transentes ad non Mendicantes, vocem & locum in Capitulo minime habeant: & tamen Glossa ibi affirmit, extendi masculinum ad fœminum; ac proinde comprehendi quoque Moniales transentes,

*An masculi-*  
*num ex-*  
*tendit ad*  
*fœminum*

Hæc sunt verba Glosæ: Dico, hanc constitutionem locum habere etiam in faminis Ordinum Mendicantium, si transiant ad non Mendicantes. Fait, quod not. de Electione, Generali, in principio lib. 6. Ibi autem Verb. Universos, sic lego: Et universas: nam appellatione, Si quis, & Si qua continetur, ff. de Verb. signif. l. I. ff. de Pacts: Tres fratres, & de Constit. pau. l. I. §. I.

*57.*  
*Argum.*  
*quod non.*

Arg. contraria: quia si pater exaheredat filium nasciturum, si nascitur filia, non erit exaheredata, ff. de Vent. in poss. mitt. l. I. §. Sed & si incertum, Communitez dici sicut, quod in favorabilibus masculinum concipit fœminum, in odiosis non; sic solvitur ff. de Verb. signif. l. I.

Alij dicunt: quod si masculinum verbum proferatur ab homine, & est odiosum, non comprehendit fœminam: & sic intelligitur predictus §. Sed & si incertum: Sed si a lege, sive sit odiosum sive non fœmina continetur, ff. de turisd. om. jud. Si quis id. Od fœdus dicebat, quod si etiam a lege proferatur verbum odiosum, non comprehendit fœminam, nisi id lege caveatur.

*Videretur*  
*quod sic,*  
*quando pro-*  
*fertur à*  
*Canone.*

Dic secundum Gar. quod verbum masculinum, prolatum à Canone, comprehendit fœminas, quod probatur 16. q. 4. Si quis suadente, coniuncto cum cap. de Sent. excom. Mulieres, quod est verum, nisi eadem vel alia constitutione excipiatur fœmina, inf. eod. Indemnitibus §. Sed cum eas.

*58.*  
*Quid ad*  
*hoc arg.*  
*respondet*  
*Sanchez.*

Sed quid adhuc argumentum Sanchez? Respondebat id esse verum, quando subest eadem ratio, ut in exemplo ibi relato contingit. Ratio enim illius decisionis (ut ex præfatione illius textus constat) est, ut professores cuiusvis Ordinis in sua vocatione persistant, ac quietiorem in Ordine, ad quem transiunt, vitam agant: quæ æquè in Monialibus habet locum; at in nostro casu non militat eadem ratio. Ita Sanchez.

Verum enimvero difficulter ostenditur diversa ratio in nostro casu, ut patet ex antedictis; nam ratio videtur esse, ut impediatur corruptiones virginitatis & castitatis, ad quas ordinantur raptus, quæ etiam in nostro casu inveniuntur.

*Raptivæ.*  
*quamvis*  
*ravior posse*  
*puniri.*

Fateri debent Adversarij, non esse adeò frequentes raptrices, quam raptore; sed etiam machinatio uxoris in mortem viri sui non adeò frequens est, ac viri in mortem uxoris suæ, & tamen utraque, si reliqua adsint, est impedimentum dirimens Matrimonium.

Si dixeris; id reperitur jure expressum. Verum dicis; sed inde saltem constat, quod ea, quæ non ita frequenter contingunt, per leges possunt prohiberi. Ergo etiam raptrix, quamvis

rara sit, per leges potuit puniri. An autem puniatur d. l. un. haec tenus disputavimus.

Et inclinor magis in lententiam Sanchij, quām in Conclusione proposui propter Reg. Auctor mā. juris 49. de Reg. juris in 6. In pœnis benignior gis inclinat in senten-  
tiam San-  
chij, prope-  
Reg. juris  
ff. cod.

Igitur ubi obscurum est, quā pœna reus affici debeat, in mitiorem pœnam declinamus: cum Interpretatione legum pœna mollienda sint potius, quam exasperanda, l. 43., ff. de Pœnis; & Rapienda occasio sit, quæ præbet benignius responsum l. 168. ff. de Reg. juris. Unde si in illis verbis legis ambiguitas infit, quæ & in leviori, & in saviorem sensum rapi possit, leviori magis interpretationem sequemur, cum Canifius hoc humanius sit. Ita Canifius.

Cum igitur expensis rationibus utriusque partis præsentis controversiae, dubium & incertum maneat, id est, non omnino certò constet, an masculinum accipiat fœminum, & res, de qua agitur, pœnalis sit, præfero benigniora, & judico, raptricem non esse subjectam pœnas ordinariæ, sed extraordinariæ pro arbitrio judicis. Idque non solum quod attinet ad pœnas d. l. un. sed etiam considerando pœnas, inflictas raptoriis per Concilium Trident. de quibus in sequentibus erit sermo, & potissimum de inabilitate ad contrahendum Matrimonium, tamquam propria huic loco.

### CONCLUSIO III.

Raptus solius Fœminæ, causâ in-  
eundi Matrimonium, jure no-  
vo Tridentini dirimit cum ipsa  
Matrimonium, quamdiu est in  
potestate raptoris.

Nemo prudenter dubitare potest, quin raptus jure novo Tridentini Sess. 24. de Re for. Matr. c. 6. dirimat Matrimonium inter raptorem & raptam, quamdiu ipsa in potestate raptoris manserit, ut patet ex apertissimis verbis Concilij, in principio Sectionis relatis. Sed & alias pœnas statuit tam raptori, quam omnibus, illi consilium, auxilium & favorem præbenti-  
bus.

In primis excommunicationem latæ senten-  
tiæ, ibi: Sint ipsa jure excommunicati. Ipso, in-  
quam, jure, id est, antè sententiam, sive con-  
demnatoriæ, sive declarationem criminis. Ita  
enim communis usus & sensus hanc particulam  
interpretatur in materia Censurarum.

Cujus ratio esse potuit; vel quia hæ pœnae sunt spirituales & medicinales; & ideo animam statim oigare censentur, & cum hac veneratione, & timore semper suscepitae sunt; vel quia per Censuras separatur quis à communibus bonis Eccle-

60.  
Raptus jure  
novo Conil.  
Trid. eß  
impedimenta  
tum diri-  
ment.

61.  
Eodem jure  
statuerit  
excommu-  
nicatio late-  
sententie.

Suarez. Ecclesiæ tamquam indignus ; & idè statim obligatur in conscientia, ut se separet & abstineat. Pertinet enim ad Pastorem Ecclesiæ, separare indigos & illis præcipere, ut se separent, quod præceptum in ipsâ Censurâ includitur. Ita Suarez de. LL. lib. 5. c. 8. n. 1.

62. Rogas : an d. excommunicatio sit reservata ? An sit reser- Tridentinum minimè reservat eam ; ergò nec nos reservemus, sed dicamus, quod Innoc. III. cap. Nuper, 29. de Sent. excom. dixit de eo, qui communicat cum excommunicato extrâ crimen : *Quāvis enim tunc non judicis, sed juris sententiā excommunicato communicans sit ligatus : quia tamen conditor Canonis ejus absolutionem sibi specialiter non retinuit, eo ipso concessisse videtur facultatem alijs relaxandi.* Quia ergo in casu nostro Concil. Trid. absolucionem excommunicatis sibi specialiter non retinuit, eo ipso concessisse videtur facultatem alijs relaxandi.

Præterea statuitur perpetua infamia & fama. &c. Præterea voluit Trid. ut tam raptor, quām omnes illi consilium, auxilium & favorem præbentes, sint perpetuè infames, omniumq. dignitatum incapaces ; & si Clerici fuerint, de proprio gradu decidant. Circā quas poenas disputatur inter DD. an postulent sententiam judicis.

63. Bonacina hic q. 4. punc. 18. n. 9. loquens An fini late- de infamia & incapacitate, respondet negativè, Jemini. non distinguens inter sententiam declaratoriam Bonac. criminis, & condemnatoriam ad poenam. Et probat : nam ista poena non requirit aliquam actionem ad sui executionem.

Negat San- Porro Sanchez lib. 7. disp. 13. n. 1. sic ait : chez. Perpetua infamia sententiam judicis postulat. Et idem dicendum est de ea poena decideri à proprio gradu. Atque ita Henriquez disp. 12. de Matr. c. 14. n. 4. explicans id decretum, ait, de proprio gradu eos dei ciendos esse, ac deponentes, manifestè significans, non depositos esse, donec ministerium judicis deponentis accedit.

64. De poena autem incapacitatis dignitatum, posset ambigi ; quòd fit poena privativa : propter illa, quæ allegabo lib. 9. disp. 30. n. 1. Cæterum ea regula de poenis privativis, non est certa, ut dicam ibi n. 2. Atque idè meritò inhabilitatem indigere judicis sententiâ, ob ejus poenæ maximam acerbitudinem, docent Navar. in extravag. Greg. XIII. de Datis pro iustitia & gratia, Notab. 31. n. 44. Molina to. I. de Iustitia, tract. 2. disp. 96. §. *Quod attinet ad poenam.*

Quod maximè verum est : quia ea dignitatum incapacitas sequitur infamiam, ac proindè immediatè post infamiam posita est in eo Trid. Decreto : infamia autem minimè incurritur ante judicis sententiam. Hactenus Sanchez.

65. Et quia fundat se in doctrina Navarri, apponam verba ipsius. Sic itaque scribit loco citato : Verba Na- varri. & Secundò : quòd licet dubitari possit, tamen probabiliter dici potest, alijs prædictis quatuor extraordinarijs poenis (puta privationi à beneficio Ecclesiastico & sæculari perpetuo vel temporali, privationi simili ab officijs, incursioni infamiae, ac inhabilitati ad prædicta beneficia & officia) non esse locum in prædicto foro (conscientia ante sententiam) attento, quòd adeò magna-

sunt, & quòd, ut sup. dictum est, magis sunt additæ ad terendum, in exemplum, quo multis grassantibus opus erat, juxta l. *Capitalium* §. *Fau- mosos*, ff. de Poenis, quam pro qualitate culpæ : & quòd difficultimum est, quòd quis contrâ se metipsum tam grandes poenas exæquatur : & quòd privations, de quibus hic expressè exten- duntur ad beneficia & officia sæcularia, quoad quæ certò puto, non esse locum eis in foro con- scientiae & quòd (ut latius demonstro in Cle- ment. cap. *Fraternitas*, 12. q. 2.) frequentior (cui & ipse adhærere soleo) habet indistinctè, nullas poenas ipso jure incursas, obligare in foro conscientiae delinquentem, ad eas contrâ se exæ- quendas : nisi auctor legis expressè vel tacite id jubeat.

Quod tarissimè faciendum est, propter ibi ad- ducta, præsertim propter cap. *Erit autem lex*, 24. dist. declaratum per S. Tho. 1. 2. q. 95. a. 3. quatenus habet, legem debere esse possibilem moraliter servatu, qualis vix esset lex statuens, ut quis magnas poenas contrâ se exequatur. Hu- cuse Navar.

Verum cùm incapacitas dignitatum sit poena privativa, quæ non requirit executionem delin- quentis contrâ se, sicut benè requirit poena pri- vationis omnis beneficij, tam Ecclesiastici, quām sæcularis, posset aliquis dicere : non vale- re hic argumentum ab una poena ad aliam.

Quod scitè animadvertis Molina sup. ubi postquam docuit sententiam Navarri, subjungit: *Videtur quod non est Duo observa.* Primum est poenam illam inha- bilitatis ad beneficia & officia obtainenda, quo- niam & acerba admodum, & permixtim appo- sita cum alijs, quæ vim non habent ante latam sententiam, excipiendam esse per Epykejam ab illa regula, quam ex Covarruvia paulò ante re- tulimus. Hæc ille,

Rogas : quæ est ista regula ? Quando lege Covar- aliqua efficitur aliquis incapax rei alicuius, sive in poenam, sive quāvis aliâ causâ, vim illud ha- bet, etiam in foro conscientiae, nullâque expe- ctaba sententiâ.

Cùm ergo in casu nostro incapacitas dignita- tum acerba admodum poena sit, & permixtim apposita, cum alijs, quæ vim non habent ante latam sententiam, excipienda videtur per Epy- kejam ab illa regula Covarruvia.

Sed dicet aliquis : unde constat infantiam & dejectionem de proprio gradu minimè incurri Objectione ante sententiam, quando ipso jure imponuntur, uti fit in nostro casu ? Neque enim hæc parti- cula, quæ immediate præponitur excommuni- cationi, hanc solam afficit, sed & alias poenas, subsequentes in eadem quasi propositione, seu periodo. Nam quæ ratio disparitatis ?

Respondet : particulam illam non semper excludere omnem sententiam, sed aliquando excludere omnem, ut in Censuris, subinde tan- tum sententiam condemnatoriam, non autem declaratoriam criminis ; ut in infamia & simili- bus poenis ; nisi obstet contrarius usus, aut sub- jecta materia aliud postulet. Quidquid ergo sit de sententia condemnatoria ad prædictas poenas, saltem

66.  
An sit exci-  
pienda in-  
capacitas  
dignitatum.

Saltem videtur requiri sententia declaratoria criminis.

68. Dico: *Ad predictas penas, id est, perpetuum Raptor non infamiam &c. Nam ut raptor teneatur dotare debet ducere raptam, juxta Trid. sup. in fine: Teneatur praetera raptor mulierem raptam, sive eam uxorem sententiam duxerit sive non duxerit, decenter arbitrio judicis dotare, manifeste requiritur sententia condemnatoria, ut clare constat ex illis verbis: Arbitrio judicis, attentâ scilicet qualitate raptoris & raptæ. Quia cum sit poena injuria illata, & illa sit major aut minor, attentâ utriusque personæ conditione, merito ea spectanda est ad arbitrium.*

*Sánchez.* Dico: hoc esse poenam, & exigi judicis sententiam, quatenus scilicet imponitur per id decreta, & dos arbitrio judicis taxanda venit. Nam ( inquit Sanchez lib. 7. disp. 13. n. 1. ) si ex raptu pullaret raptæ damnum: id in foro conscientiae, nullâ judicis expectata sententiâ, instar aliorum dannorum, quæ in iustè inferuntur, resarcientur esse dubitat nemo. Hæc ille,

*An dum raptor ducit raptam, cœfit infamia & incapacitas dignitatum. Et quidem cessare, docet Henriquez lib. 12. de Matr. c. 14. n. 4. in fine, dicens: Raptor & omnis, qui consilium, auxilium & favorem huic criminis præbet, fit ipso jure excommunicatus, ac nisi eam duxerit, fit perpetuo infamis: si ducat, non ita fit: alias enim raptæ cogeretur nubere infami, quod esset in ipsis gravamen, contrâ favorem, quem Concil. intendit dare Matrimonio. Fit insuper raptor, nisi eam ducat, omnium dignitatum incapax. Hæc ille. Ergo si ducat, non fit incapax, secundum ipsum; sicut autem dixerat: si ducat, non ita fit, id est, non fit infamis.*

*Idem docent Manuel 1. to. Sum. c. 232. n. 6. de poena infamia. Ut etiam Vega 2. to. Sum. c. 34. casu 157. in fin. Atque in simili casu videtur idem tenere Covar. 4. Decret. 2. part. c. 7. §. 4. n. 11. alias 16. ibi: Imò forsitan dici posset, d. l. unicam C. de Raptu virg. in sponso, etiam de futuro, non debere ita strictè servari propter præcedentem tractatum & promissionem Matrimonij contrahendi. Nam ex illa prævia conjugalis consensus promissione, temperandus est illius legis rigor, consideratis ceteris ipsis actus contingentis circumstantijs. Ita præfatus Auctor.*

*Confirmatur ex Trid. de dote exprimat: Sive eam duxerit, sive non duxerit. Ergo de alijs poenis id non est intelligendum, juxta commune dictum: Exceptio firmat regulam in contrarium. Alioquin cur Trid. hoc ipsum non expressisset de alijs poenis?*

*70. Oppositum docet Sanchez, & probat ex verbis Trid. Sed omnino tenendum est ( inquit Sanchez sup. ) minimè ab ipsis poenis eximi, si raptam ducat. Quod id apertis verbis ibi decernat Tridentinum: ubi enim dixit posse duci raptam; si ad pristinam libertatem restituta consenserit, & tunc concessit, ut eam habeat raptor in uxorem: subdit hæc: Et nihilominus raptor ipse, ac omnes illi consilium &c.*

*Ubi ponderanda est dictio: Nihilominus, quæ,*

*Non minus, significat, l. fin. ff. de In integr. restit. ibi: Nihilominus in integrum contra Rem publicam restituuntur, & l. 59. ff. de Verb. sign. ibi: Eaq; nihilominus statio est conclusa atque munita. Atque ita clare decidit Trid. non obstante Matrimonio raptoris cum raptâ, eum subdi excommunicationis, infamiae, & inhabilitatis poenis.*

*Neque hoc est compellere raptam, ut infamia nubat. Nemo enim eam cogit, sed in sua potestate situm est, id Matrimonium, aliudve eligere.*

*Nec id Matrimonij favori adversatur. Quoniam non ea poena imponitur ob contractum Matrimonij, sed ob raptus delictum; solumque decernitur, non eximi raptorem ab ea poena, quamvis raptam ducat. Imò maximus est Matrimonij favor, quod tanti ejus Tridentinum libertatem faciat, ut illi contravenientes, raptu admisso ad eum effectum Matrimonij ineundi, subdat gravissimis poenis, non obstante Matrimonio, postmodum liberè subsecuto.*

*Nec doctrina Covarruviae allata favet contraria sententia; nam in eo eventu raptus est multo minus delictum, ac proinde temperanda est poena; at in nostro casu jam raptus omnino admissus erat, ac integrè consummatum delictum: ac proinde raptor eas incurrit poenas. Futurus autem eventus non eximit à poenis jam incurris, nisi ex ipso jure colligatur: quod tantum absit, ut ex eo decreto colligatur, quin potius expresse contrarium decernat. Haec enuntiatur Sanchez.*

*Qui non respondet ad ultimum argumentum adversæ partis desumptum ex ipsis verbis Tridentinum; forte, quia non vidit illud, quamquam apud Henriquez sup. in Comment. lit. T. satis clarè insinuetur. Quid ergo respondendum? Concilium, dicet aliquis, in hac poena id expressit majoris claritatis gratiâ, ne forte quis dicaret, Matrimonium fore sufficientem satisfactionem pro illata iuria per raptum.*

*Et vero, quod expressit in hac poena, quæ ultima est, quid ni & in alijs intelligi debeat, juxta illud Nicol. III. cap. Exiit, 3. de Verb. signif. in 6. Et utriusque juris argumenta nos docent, ea quæ in principio, ad medium, & ad finem, illa vero quæ in medio, ad finem atque principium: & ea quæ in fine, ad utrumque, vel eorum alterum sè referri? Cum ergo poena finalis, id est, ducendi raptam, imponenda sit, sive raptor eam duxerit, sive non; cur cessare debeat poena infamiae, postquam raptor eam duxerit?*

*Quia, inquit, poena dotandi est in favorem Matrimonij, infamia autem potius in odium seu onus. Placet mihi ( inquit Perez. hic disp. 38. sect. 3. in fine ) quod notat Hurtado disp. 23. ad finem diffic. 3. prædictas poenas non esse à judice imponendas, si raptor validè raptam ducat, excepta poena dotandi eam. Quod certè credendum est ex pia Tridentini mente in favorem Matrimonij: nam durum esset, raptam nubere viro perpetuo infami. Hæc ille.*

*Equidem favorem esse maximum Matrimonij, quod eo contracto inter raptorem & raptam non*

71.  
Saripi arg.  
Henriquez.

At Crom.  
favet sententia Henriquez.

72.  
Quid ref.  
pondenda  
ad ult. arg.  
ex Trid.

73.  
Quod mag.  
non

*neret infamia, haud satis clare video. Non cogitur quidem absolutè raptus ducere raptorem; sed tamen sàpè est moralis necessitas; quòd aliquò raptus difficulter aliud Matrimonium invenit. Pium ergò est, ut contraé Matrimonio cesseret infamia, & consequenter incapacitas dignitatum.*

*Explicatur  
by Nihilo-  
minus.*

Nec obstat dictio: *Nihilominus*; per eam namque Concilium hoc solùm voluit significare, quòd, et si raptor possit validè contrahere servatis servandis, & quàmvis fuisse illius intentionis, dum raptum admisit, nihilominus ipso iure foret excommunicatus ac perpetuò infamis, omniumque dignitatum incapax, donec & usque Matrimonium validè contraheret cum raptis.

*74.  
Objecatio sol-  
vitur.*

Sed enim, dicet aliquis; quomodo ergò perpetuò infamis? Respondetur, de per se; nam per accidens est, quòd raptis, in loco tuto constituta, velit cum raptore contrahere.

*Iudicium  
adversoris.*

Quid dicam de hac controversia? Voluntas Ecclesiæ inquiritur, per quam dictæ pœnae raptori constitutæ sunt; & ut patet ex dictis, incertum est propter diversas sententias DD. quid Ecclesia voluerit. Sit ergò pro resolutione finali Reg. 49. de Reg. juris in 6. In pœnis benignior est interpretatio facienda. Item, Reg. 30. cod. In obscuris minimum est secundum. De quibus Regulis alibi latius tractavimus: & ideo impræficiarum supersedeo.

*Molina.*

Saltem (ut rectè nota Molina to. 4. de Iust. disp. 105. n. 22.) celebratæ postea legitimum Matrimonium cum raptis, causa est non levís, ut Princeps ab eo auferat infamiam, illum quoad ilam in pristinum statum restituendo, capace-que efficiendo omnium dignitatum. Ita Molina.

*75.  
An raptor  
fit irregula-  
ris.*

Dico autem, raptorem non esse irregularem, nisi inquantum infamis est; quippe irregularitas in Trid. non exprimitur, ut patet, sed tantum infamia, quæ est causa irregularitatis; donec ergò raptor infamiam incurrit, quod non sit ante sententiam judicis, saltem declaratoriam criminis, non erit irregularis, & cessante infamia cef-sabit irregularitas, juxta illud: *Cessante causâ cef-sat effectus.*

*Parochus  
affistens*

*Matri-  
monio*

*invalido rapt-*

*oris non in-*

*curia pœ-*

*nas Concilij*

*Sanchez.*

Insuper affero, Parochum affistentem Matrimonio raptoris cum raptis, nondum ad pristinam libertatem extrà raptoris potestatem restitutæ, non incurrit d. pœnas Concilij. Quòd tantum imponunt adversus fautores raptis: at Parochus affistens postea Matrimonio, non facit raptui, utpote qui jam omnino admisissus est. At utique incurrit, si ante raptum promitteret illi eam affistentiam, quæ animosior factus est raptor ad raptum exequendum. Tunc enim raptus vere fautor esset. Ita Sanchez sup. in fine.

*76.*

*Occurruntur  
objectiones.*

Nec obstat, quòd raptor continuò peccet, raptam non constituendo in loco tuto & libero: quippe illa continuatio non punitur; sed prima abductio: quod inde patet, quia tametsi incontinenti eam restituaret, non propter ea evaderet pœnas; & si fœminam violenter retineret in aliquo loco, ad quem eam non abduxit, non in-

*Bosco de Matrim. Pars II.*

curreret pœnas, quàmvis eamdem faceret injuriā, quam facit raptor, raptam non restituendo in tuto loco.

Igitur abductio violenta punitur, non reten- *Violenta re-*  
tio violenta. Atque adeò Parochus affistens Ma- *tento non*  
trimonio, & idem est de testibus, estò fautores *punitur.*  
forent violentæ retentionis, putà, quia raptam re-  
stitueret, si ipsi nollèt Matrimonio assistere, haud  
equidè violentæ abductionis pœnas incurrerent,  
quaè ipsis inscijs peracta & completa fuit. Et ha-  
c tenus quidem de pœnis, quæ non sunt propriæ  
huic loco, & idè brevius de illis tractavimus.

Restat inhabilitas ad contrahendum Matrimo- *77.*  
nium, quæ potissimum est hujus loci, & ideo *Raptus solo*  
diffusorem exigit tractatum. Sicut autem dixi *jure Trid.*  
in principio Conclusionis, nemo prudenter du- *dirimie.*  
bitat, quin raptus sit impedimentum dirimens  
novo jure Concilij Trident. Addo hic: plerique  
fatentur, quòd eo dumtaxat jure dirimat; & id-  
circè non dirimat in locis, in quibus hoc Con-  
cilium non obligat; sed ibi, juxta cap. fin. de  
Rapt. cuius anteā meminimus, *Raptus puerilla legi-  
time contrahet cum raptore, si prior diffusio transeat*  
*postmodum in consensum, & quod ante displicuit,*  
*tandem incipiat complacere.*

Nam quamdiu durat violentia, & fœmina  
violenter inducitur ad consensum, liquet profe-  
ctò nullum esse Matrimonium eodem jure, quo  
irritatur Matrimonium vi aut gravi metu injus-  
tè extortum; ut proinde tali casu raptus non  
sit impedimentum distinctum ab ipsa vi seu gra-  
vi metu. Et sub hac consideratione hic non agi-  
tur de raptu, sed Disp. præced. Sect. 7. de eo  
satis diffusè tractavimus.

Sin autem postquam fœmina raptus & abdu- *78.*  
cta est, cesseret violentia, nullaque vis aut me- *Iure anti-*  
tus ei inferatur, tametsi adhuc maneat sub pote- *quo, cessante*  
state raptoris, potest jure antiquo d. cap. fin. *violentiā,*  
legitimè contrahere. Quidquid in oppositum *potest raptus*  
sentiant Martinus de Magistris, & alij quidam *nubere rapi-*  
tore. *chez.*  
apud Sanchez sup. disp. 12. n. 42.

Dicitur autem Martinus: quoniam raptus *Arg. Contrà*  
est ipso jure excommunicatus: Matrimonium *ex Mart. de*  
autem tempore excommunicationis initum *Mag. Solvi-*  
est invalidum. Sed ( inquit Sanchez ) id funda- *tur ex San-*  
mentum prorsus corruit. Tum, quòd raptor *chez.*  
jure antiquo, non sit excommunicatus, sed tan-  
tum excommunicandus, ut sup. ostendimus:  
tum etiam, quòd Matrimonium, tempore ex-  
communicationis contractum, validum fit;  
eo quòd nullus reperitur textus invalidans;  
vel assignetur ille, & credimus Martino de  
Mag. Alioquin sine claro textu non est statuen-  
dum impedimentum dirimens.

Alij ducuntur; quòd dictio, *Postmodum, quæ Aliud arg.*  
ponitur in cap. fin præcitate, importet longum *contrà.*  
temporis intervallum, ut ex illo purgatus metus  
videatur. Deinde, quòd dictio illa, *Tandem, quæ*  
ibidem reperitur, videatur importare quamdam  
longissimam examinationem.

Cæterum ( inquit Sanchez sup. ) quàmvis hæc *79.*  
fundamenta sint apparentia: mihi certissimum *Probatur*  
est, id non desiderari; sed satis esse, ut Ma- *prior senten-*  
trimonium valcat, attento eo Capite fin. si *tia ex San-*  
chez. *raptus*

81

332 Disputatio 12. De Impedimentis Matrimonij, usu & divort.

rapta adhuc sub raptoris potestate existens, verè liberè consentiat. Et hoc est, quod d. cap. fin. intendit, dum petit consensum postmodum adesse, id est, si jam dissensio cessarit. Si enim voluisse id Matrimonium esse nullum, dum raptæ et sub raptoris potestate, id utique expressis verbis declarasset, ut fecit Trid. Sess. 24. de Matr. c. 6. Nec credendum est verbis tam ambiguis & obscuris voluisse irritare Matrimonium quod est res tanti momenti. Hæc ille.

*Conformati-*

*tur.*

Addo ego : si d. c. fin. irritasset id Matrimonium, nulla fuisset necessitas, id rursum irritandi per Concil. Trident. novo edito decreto: non enim loquitur de hac invaliditatē, tamquam de re antiquitus constituta ; sed eam tamquam rem novam statuit, dicens: *Decernit. Synodus &c.*, utique reformans in hoc Matrimonium. Nam iessio illa intitulatur : *De reformatione Matrimonij.*

80.

*Objetio.*

*Diluitur.*

*An raptæ,*  
*manens in*  
*potestate*  
*raptoris,*  
*possit liberè*  
*consentire.*  
*Decianus.*

Dices : irritatio illa non erat tatis clare expressa in d. cap. fin. & ideo Trid. voluit eam clariū h[ab]ere exprimere. Respondeo : *In obscuris minimum est sequendum*, Rcg. 30. de Reg. juris in 6. Ergo d. cap. fin. non debet intelligi de impedimento dirimente ; alioqui in re obscura, non quod minimum, sed quod maximum est, sequeremur.

Neque id obscurè significat Decianus tract. criminali lib. 8. c. 13. n. 48. ( teste Sanchez sup. ) dicit enim, valere Matrimonium, attento d. cap. fin., modò appareat clare de libera mulieris voluntate. Quod ( inquit ) non videtur apparere posse clare, dum est in potestate raptoris.

Quod ego intelligo, non ut omnino impossibile sit, mulierem, existentem in potestate raptoris, liberè reverā consentire ; sed quod ut plurimum non sit liber consensus ; saltē non appareat esse liber. Et ideo prudenter fecit Tridentinum, id Matrimonium irritando, etiam dum consensus liber est : quia scilicet, quādū manet sub potestate, non constat satis Ecclesia de ista libertate, & per consequens de valore Matrimonij ; quocirca ne mancet valor hujusmodi Matrimonij dubius, & pateret aditus multis litibus, & alijs inconvenientiis, absolutè hujusmodi Matrimonium irritavit.

81.

*An sit in-*  
*validum*  
*Matr. inter*  
*raptorem*  
*& raptam?*  
*Affirmat*  
*Aversa &*  
*Alij.*

*Probatio.*

De qua utique irritatione jamjam tractabo, & quæro primò ; an sit irrum Matrimonium, quod contrahitur inter raptorem & raptam, quādū raptus est in potestate raptoris. Affirmat Aversa hic q. 12. sct. 3. §. At affirmandum, cum Henriquez lib. 12. de Matr. c. 14. n. 4. Gutierrez de Matr. c. 88. n. 6. Emanuel Sum. to. 1. c. 232. n. 4. Vega to. 2.c. 34. casu 157. notab. 5. Et ut probabile admittit Sanchez sup. disp. 13. n. 16.

Sudetur ( inquit Aversa ) quia in hac materia ob diversitatem nominum generis masculini & feminini, leges commoditatis gratiā proferrunt ex una parte nomen masculinum, & ex altera femininum, ut in hoc casu, *raptorem & raptam*. Non quia suam iussionem velint juxta sonum materiale iporum nominum restringere ; sed potius volentes ob identitatem ratio-

nis, pariter commutatis nominibus intelligi, ut in hoc casu, etiam inter raptorem & raptum. Eadem enim prorsus ratio est ; nempe ob libertatem Matrimonij, quæ prorsus eodem modo requiritur in viro ac in foemina.

Et quāvis facilius ac frequentius contingat, 82.  
ut vir foemina rapiat : tamen hoc non facit, ut *Confirma-*  
*tur.* eximatur à lege foemina rapiens virum : sed so-  
lum efficit, ut Concilium sub ijs nominibus,  
*raptoris & raptæ*, loqueretur. Ac etiam legem  
correctoriam penalem, ubi eadem omnino ratio militat, debere extendi, fatetur Sanchez cā  
disp. 13. n. 17.

Sic in alijs plerisque casibus, ubi sacri Cano-  
nes sub certis nominibus de viro & foemina in  
hac materia loquuntur, solent eodem pacto in-  
telligi è converso de foemina & viro, ac specia-  
liter in statuendis impedimentis. Ut potest dum  
loquuntur de viro occidente uxorem, de viro  
contrahente cum moniali, pariter intelliguntur  
de foemina occidente maritum, de foemina con-  
trahente cum monacho, aliaque plura hujusmo-  
di exempla occurunt. Quare similiter quod lex  
statuit de raptore & raptæ, eodem pacto debet  
intelligi de raptrice & raptō, si talis casus con-  
tingat. Huc uisque Aversa.

His tamen non obstantibus Conclusio nostra  
docet, raptum solius foeminae esse impedimen-  
tum dirimens ; adeoque virum raptum à foemi-  
na validè posse cum ipsa contrahere, etiam dum  
adhuc existit in potestate raptoris. Ita docet  
Sanchez sup. n. 16. & omnes, qui cum ipso af-  
serunt, raptricem non incurrire poenas juris Ci-  
vilis & Canonici antiqui, cum non appareat  
sufficiens ratio disparitatis.

Eamque esse communiorē DD. Ienten- 83.  
tiam, ait Herinx hic disp. 6. n. 80. Nam ( in-  
communi-  
quit ) Tridentinum expresse loquitur in casu, rem ait H[erinx]. Pro-  
quo mulier est raptæ, dicens : *Quandiu ipsa in barba ex*  
*potestate raptoris manserit*. Nec intentio Concilij eod[us]  
videtur se extendere ad foeminam, quæ vix un-  
quam solet raptum committere. Solent porr[ò]  
jura obviare calibus, natis occurrere. Unde nec  
ea, quæ statuit Trid. contrā impeditores liber-  
tatem foeminarum circā Professionem religio-  
sam, extenduntur à Doctoribus ad impeditores  
libertatem virorum ; quāvis horum quoque  
libertas interdum, sed rariū tollatur. Deinde,  
versamur in odiosis ; quæ sunt restringenda.

Quod vero objicitur, per raptum alienæ 84.  
sponfæ, intelligi pariter raptum alieni spon-  
fi, dum agitur de impedimentis merè pro-  
hibentibus, gratis & falso assumitur. Neque eti-  
am in jure à pari ratione, aut simili exemplo  
ducitur bonum argumentum. Hæc ille. Bre-  
vibus complectens verbis, diffusius dicta Con-  
clus. præced. ad quæ remitto Lectorem. Nam  
argumenta, quæ probant, raptices non incurre-  
re poenas juris antiqui, idem probant de poenis  
juris novi seu Concilij Tridentini.

Sola differentia esse videtur, quod principale  
intentum Tridentini sit, salvare libertatem  
Matrimonij ; porr[ò] jus antiquum princi-  
paliter consideravit expletione libidinis.

Iam

Alia objec-

Iam autem, ut benè notavit Aversa suprà, libertas Matrimonij prorsùs eodem modo requiritur in viro ac in foemina. Unde metus gravis injunctè incussum, sive à viro mulieri, quod frequenter natum est fieri, sive à muliere viro, quod rarum est, dirimit æqualiter Matrimonium; quia æqualiter opponitur libertati Matrimonij. Ergo similiter in præsenti casu raptus dirimet tam viri, quam mulieris.

85.

*Solutio, &* *disparatus* *inter me-*  
*rum & rap-*  
*tum.*

Reſpondetur: disparitatem esse; quod metus fit impedimentum juris naturalis seu divini; raptus autem juris Ecclesiastici, idque penalis, & correctorij, in quo non licet argumentari à pari ratione, nisi ad evitandum absurdum; jam autem absurdum non est, raptum dirimere inter raptorem & raptam, estò non dirimat inter rapticem & raptum, etiam datâ paritate rationis; quia ratio legis non est lex, neque cogit Legislatorem ad ferendam legem, cùm antè Trident, raptus non dirimeret, nisi in quantum erat coniunctus metui gravi, qui æqualiter, ut dictum est, dirimit inter raptorem & raptam, & inter rapticem & raptum, de quo casu hìc non agimus; sed de illo, in quo jure antiquo d. c. fin. de Rapt. Matrimonium valeret inter raptorem & raptam, rapticem & raptum. Igitur Trident, rationabiliter voluit corriger d. cap. fin. in casu, qui frequenter occurrit; secus in casu rarissimo. Hæc, credo, sufficient ad salvandam veritatem 1. partis Conclusionis, scilicet:

*Raptus solius familiæ.*

86.

*An res viri-*  
*tur in causa*  
*Matr. Ali-*  
*qui negantur.*

Sequitur: Causâ ineundi Matrimonium; secus explendi tantum libidinem. Hæc est altera difficultas, quam tractat Sanchez sup. disp. 13. n. 3. & 4. Equidem Aliqui affirmant, Tridentinum de omni raptu, sive causâ ineundi Matrimonij, sive causâ solius libidinis explendæ factus sit, fore intelligendum. Et est satis probabile, inquit Sanchez in fine n. 3.

Affirmat  
Sanchez, &  
probat 1. ex  
verbis Trid.

Verum (prosequitur n. 4.) mihi probabilius est, in eo Decreto solos foeminarum raptores, causâ contrahendi cum eis Matrimonium, comprehendit. Ducor; quod ex principio illius cap. 6. id colligatur: nam statim incipit verba facere de Matrimonio contrahendo inter raptorem & raptam: ac proindè indicium est, de illo solo raptu agere, qui causâ Matrimonij admittitur.

87.

Secunda  
probatio.

Deinde: quod id Decretum, sub rubrica de Reformatione Matrimonij ponatur: ad quam estò conferat, ut raptam plenam libertatem addepta sit, ut raptori nubat: at imponere raptoribus, non causâ Matrimonij, sed libidinis explendæ tam arcebas penas, est prorsus extrâ rem, cum raptor nullatenus Matrimonium, nec ejus libertatem offenderit.

Et confirmatur: quia quando causâ Matrimonij raptus est admissus, delictum fuit contrâ Matrimonij libertatem, & ab initio in eo interfuit coactio; ac proindè, ut plenior sit libertas, petit id Decretum, prius raptam in pristinam libertatem, ac in loco à raptore separato restitu: ac raptorem, tamquam iniquum libertatis Matrimonij violatorem, cui libertati totis viri-

*Bosco de Matrim. Pars II.*

bus Tridentinum ac Canones antiqui consulete intendunt, punit penas acerbis, in eo Decreto contentis.

Tandem: quod ubi textus est dubius, rubrica probat, qualiter sit intelligendus; textus enim in dubio intelligendus est, ut conveniat rubricæ, sub qua constituitur. Sic DD. multi limitant cap. 1. de Clerico non ordin. ministr. generaliter decidens, non ordinatum exercentem actum Ordinis esse irregularem, ut intelligatur, quando exercens est Clericus, eò quod collocetur sub rubrica de Clerico non ordinato ministrante. Nec alia potest reddi ratio.

Additio.

Adde: hunc textum Concilij esse restringendum, quod corrigat cap. fin. de Rapt. permittens Matrimonium inter raptorem & raptam. Hucusque Sanchez pro sua & nostra opinione, quæ tamen non caret difficultate, ut patebit ex argumentis Adversariorum, quibus debet satisfieri.

Primum est: quod Tridentinum innovare voluerit penas, per antiquos Canones raptoris decretas, quæ raptorem causâ libidinis comprehendebant.

Respondet Sanchez sup. n. 18. id non intendere Trid. sed solum penas imponere offenditibus libertatem Matrimonij per raptum.

Contra: Quâcumque intentione rapiatur foemina, dum potestati raptoris subest, non minus impeditur plena libertas, cùm metus & vis non plenè cessant: atque adeò satis reformatur Matrimonium, dum quod antea validum erat, jam invalidum declaratur. Ex quo corrueviatur argumentum Sanchez, desumptum ex rubrica de Reformatione Matrimonij.

Quod autem addit Sanchez, *Imponere raptori-*  
*bus, non causâ Matrimonij, sed libidinis explenda,*  
*quod impo-*  
*tum acerbis penas, est prorsus extrâ rem;*  
*ad hoc,*  
*nec etiam a-*  
*inquam, responderi posset;*  
*imponere raptori-*  
*bus, non causâ Matrimonij, sed libidinis explen-*  
*da, penam mortis, & amissionis omnium bo-*  
*norum, cum prohibitione, & forte irritatione*  
*Matrimonij, atque excommunicatione ferendæ*  
*sententiae, non est prorsus extrâ rem;*  
*cum par-*  
*tim jure civili, partim jure Canonico id factum*  
*fuerit; ergo etiam penæ Concilij Trid. non*  
*sunt prorsus extrâ rem.*

Estò enim raptor non offendit Matrimonium aut ejus libertatem rapiendo; offendit tamen retinendo raptam in sua potestate, dum trahatur de Matrimonio contrahendo. Imò etiam rapiendo offendit; quia est in causa, cur raptus nequeat postmodum commendas nuptias consequi. Hæc merentur dispi.

Interim respondeo: veluti metus injustè in-  
cussus, non ob finem Matrimonij, sed ob aliam *Defendit*  
*causam, v. g. explendæ libidinis, non adeò of-*  
*fendit Matrimonium, ut illud dirimat, secun-*  
*dum Multorum sententiam;* quod tunc non sit  
*coactio ad Matrimonium, sed potius libera &*  
*spontanea ejus elec̄io, ad malum aliundè inten-*  
*tatum evadendum;* sic itidem, dum puella rapi-  
tur ad libidinem explendam, & contrahit Ma-  
trimonium, non cogitur ad id; sed potius spon-

Sf 2

cc

tè & liberè eligit, ad evadendam violentani stuprationem; ac proinde tali casu non offenditur per illum raptum libertas Matrimonij, magis, quām si absque raptu vellet libidinem suam explorere, & ipsa eligeret Matrimonium ad illam libidinem evadendam. Cui non placet hæc responso, querat meliorem.

92.  
Secundum  
arg. Adver-  
sariorum.

Argumentatur præterea Adversarij: Textus, generalior rubricā, non debet per illam restringi, ut est Glossa notabilis Authent. de Incestis & nefar. nuptijs collat. 2. ubi licet rubrica solum sit de nuptijs incestis & nefarijs; quia tam textus generaliter loquitur de nuptijs illicitis, comprehendit omnes nuptias illicitas, etiam non sint incestæ vel nefariæ.

Audite Glossam verb. *Illicitas*: *Hoc* (inquit) generale nomen est, quo cummodo sint nuptiae contra legem: licet non sint contraria natura, sed iuri. Nefaria vero inter ascendentēs & descendētes: Incesta autem inter collaterales & affines: ut *Instit. de Nuptijs*. §. Ergo, & ff. de Rīt. nupt. l. Quin etiam. *Licet* lex quandoque promiscue utatur.

Et secundum hoc reprobo hic opinionem Mar. qui dicit titulum istum habere locum tantum, quando erant nefaria vel incesta. Sed hac littera dicit plus, scilicet quo cummodo illicitas.

93.  
Textus ge-  
neralis non  
semper re-  
stringitur per  
rubricam par-  
ticula-  
rem.

Nec obstat rubrica hujus tituli, quam pro se inducit; nam plerumque generalior est textus, quam rubrica, ut sup. Ut Eccl. Rom. &c. Nam de alijs ibi loquitur. Et è contra rubrica generalior est textus: ut pater Cod. de Rel. & sumpt. fun. Nam licet in rubrica dicat de lusu: in textu tamen non dicit: unde non est bona sua argumentatio, licet noster fuerit concivis, scilicet Florentinus. Pro nobis autem hæc est littera, scilicet: *Illicitas*: ut *Instit. de Nuptijs* §. Si adversus. Quocumque igitur modo Matrimonium illicitum est, quod est quatuordecim modis, ut diximus *Instit. eod.* §. Sunt & aliæ, semper locum babet hic titulus.

*Illatio.*

Cum ergo Decretum Concilij Tridentini loquatur generaliter de raptore, ibi: *Decernit S. Synodus inter raptorem & raptam*, & postea in toto illo cap. nunquam restringat, necessariò dicendum erit, de omni raptore intelligi; nec restringi debet ad raptorem, causâ solius Matrimonij incundi, quod sub rubrica de reformatio ne Matrimonij constituantur. Ita Adversarij.

94.  
Resp. San-  
chez.

Respondet Sanchez sup. n. 18. eam doctrinam Glossæ intelligendam esse, ubi est aliquod verbum expressum in textu, ex quo colligatur, illum esse generaliorem rubricā, ut contingit in illa Authent. Ibi enim dicitur cap. 1. in principio: *Sancimus igitur de cetero, si quis illicitas & contrarias natura (quas lex incestas, & nefandas, & damnatas vocat) contraxerit nuptias.*

Quare ne particula illa, *Illicitas*, superflua sit, ac ut dictio, *Et, conjugat diversa* (ut facere solet) oportuit intelligere non solum de incestis contra naturam nuptijs, de quibus est rubrica, sed de omnibus illicitis. At in Tridentini Decreto non invenitur verbum cogens id ultrà rubricam extendere.

Addit etiam: eam Glossæ doctrinam non esse certam: ipsa enim ibi refert Doctorem antiquum, limitantem eum textum ad solas nuptias in rubrica comprehensas. Hæc ille.

Sed contraria, inquis; invenitur verbum: *Rap- 95. tor*, quod propriè significat etiam eum, qui rap- *Impugna-* pit, causâ explendæ libidinis, ut patet ex jure ci- *tur.* vili, & Canonico antiquo.

Planè invenitur istud verbum; sed non cogit *Defendantur*; id ultrà rubricam extendere, sed, attentâ intentione & tractatione Tridentini, commodissime restringitur ad raptorem, causâ ineundi Matrimonium.

Inquiris, quæ sit illa intentio & tractatio? 96. Legi Herinx sup. n. 79. ubi hæc scribit. *Trid. 96. inten- tio fuerit* vult obſistere, ne quis audeat attentare me- *Trid. ex dium, per quod cernit suo se fine fruſtran- Herinx, & Lessio.*

Idem ait Lessius de Iustit. & jure lib. 4. c. 3. n. 70. (ubi sequitur sententiam Sanchez) dicens: Congruum erat, ut ille raptus esset Matrimonij impedimentum, qui propter Matrimonium attentatur; nimur ut nemo audeat attentare, per quod se suo fine videt fruſtrandum; quæ ratio non habet locum in raptu, causâ libidinis facto. Accedit: quod rarius ex tali raptu sequatur Matrimonium; nam plerumque raptam, ubi libidinem expleverint, repellunt.

Confirmatur: quia verba sunt intelligenda juxta præsentem materiam; alioquin dicendum erit, etiam ex raptu, serviendi causâ facto, impedimentum nasci. Hæc ille.

Sed contraria ultimum; abductio viri aut feminæ causâ serviendi, non est propriè raptus; sed proprio nomine vocatur plagium; porrè lex penalis, & correctoria juris antiqui, nullatenus debet extendi ultrà proprietatem verborum; at verò raptus causâ libidinis, propriè est raptus, ut Omnes fatentur.

Præterea: jus civile in poenam raptus prohibuit, & forte irritavit Matrimonium inter raptorem & raptam, ut colligitur ex Authentica de Raptis mulieribus, alias de Muliere raptum passa, §. unico, ibi: *Qui enim tale stare Matrimonium (inter raptorem & raptam) et si raptam voluerit, prohibuimus. Stare enim idem est, quod semel initium consistere, ac vires habere tamquam validum.*

Et certè Tridentinum non alijs verbis illud irritat, quām similibus, dicendo: *Nullum posse confidere Matrimonium.* Ut etiam irritatur Matrimonium inter adoptantem & adoptatam, cap. un. de Cognat. leg. ibi: *Inter me & ipsam nuptiae confidere non possunt.*

Imò etiam jure Canonico antiquo, 36. q. 2. 98. communiter DD. dicunt, tale Matrimonium, *Confirmatio scilicet inter raptorem & raptam*, fuisse invalidum, quāvis verba Canonum id non satis explicent. Et tamen intentio istorum jurium non fuit, ut nemo audiret attentare, per quod se suo fine videret fruſtrandum; quippe loquuntur etiam de raptu, causâ libidinis facto, in quo illa ratio non habet locum. Ex quo ergo probatur, quod fuerit illa intentio Tridentini?

Et

*An rārd ex  
raptu causā  
libidinis se-  
quuntur  
Mair.*  
Et verò ex jure civili & antiquo Canonico videtur colligi, non ita rarum esse, ut vult. Lefsius, quod ex raptu causā libidinis sequatur Matrimonium; cùm leges (ut sup. probavimus ex jure) soleant constitui in ijs, quæ frequenter accidunt. Hæc maturè considerentur, & statim apparebit, verum esse, quod Sanchez sup. n. 3. in fine dixit, sententiam Adversariorum esse valdè probabilem.

*Auctor am-  
pliatur  
sententiam  
Sanchez, &  
quare.*  
99. Ego amplexus fui sententiam Sanchez, quia; ut jam non semel dixi: *In obscuris minimum est sequendum, &: In pœnis benignior interpretatio est facienda.* Adde: correctionem jurum evitandam esse quantum commodè fieri potest, l. *Præcipitus*, Cod. de Appel. §. fin. *Quidquid autem hæc lege specialiter non videtur expressum, id veterum legum, constitutionumq; regulis omnes relictum intelligant.* Quod adeò verum est (inquit Sanchez lib. 1. disp. n. 6.) ut gratiâ vitanda juris correctionis à propria verborum significazione recedendum sit.

Cùm ergò in hoc Decreto Trident. specialiter non sit expressus raptus causā libidinis, & de raptis causā ineundi Matrimonij id Decretum commodè intelligi possit, ne d. cap. fin. de Rapt. corrigatur plusquam necesse est, dicimus, raptum causā libidinis non esse impedimentum dirimens; sed inter raptorem & raptam Matrimonium posse consistere vi d. Constitutionis Innoc. III. si prior dissensio transeat postmodum in consensum.

*Pro ea ad-  
ducitur De  
clar. Card  
& Præposito.*  
100. Idque videtur declarasse Congregatio (inquit Præpositus hic q. 7. n. 141. ubi sequitur Sanchez), dicens: raptore ob aliam caufam, quam ut in uxores ducant, non comprehendendi à Concilio propter identitatem, vel majoritatem rationis; nec constitutio pœnalis extenditur in tali casu.

*Oppositorum  
refutat. Em.  
Sa.*  
Sed oppositam declarationem adducit Ema. Sa. verb. *Matrimonium* n. 9. dicens: Inter raptorem & raptam, etiam aliâ causâ, quam ut uxor ducatur, quandiu est in potestate raptoris non potest fieri validum Matrimonium, ex Concil. Trid. & Congreg. Concilij.

*Natura &  
authentica.*  
101. Sed nec una, nec altera Declaratio est authentica quod sciam; & ideo non est eis fides adhibenda; sed independenter ab illis res dijudicanda, utique in favorem Rei, quousque Ecclesia mentem suam apertius declaraverit,

Dices: satis declaravit mentem suam, ubi punxit raptorem, & fautores, si Clerici fuerint, cùm pœna, ut à proprio gradu decidant; ergò supponit raptorem aliquando fore Clericum, qui tamen non potest rapere causā ineundi Matrimonij, cùm illud contrahere possibile non sit.

*Selvius ex  
Sanchez.*  
Respondet Sanchez lib. 7. disp. 13. n. 18. in fine: fautores, quos ea pœna comprehendit, posse esse in sacris constitutos, & raptorem in minoribus, atque ita verificari esse Clericum. Adde: posse esse in sacris, & rapere causā ineundi Matrimonij de facto, licet non de jure, & subesse tunc illis pœnis. Hæc ille.

Sed dicet aliquis: unde constat, quod subfset tunc illis pœnis? Nam hoc Aliqui videntur

negare. Scio: sed nunquid audiendi? Patebit ex dicendis sequenti Conclusione, quæ erit de qualitatibus fœminæ, huic Decreto Trid. subiectæ.

## CONCLUSIO IV.

Decretum Trident. comprehendit raptum cuiuscumque fœminæ, sive virginis, sive corruptæ, sive meretricis & dishonestæ, conjugatæ, & cuiusvis statū, etiam sponsæ de futuro. Debet vis inferri ipsi fœminæ.

*Raptus pro-  
pria sponsæ  
punitur &  
Trid.*  
102. Nicipiamus à propria sponsa, quæ per vim rapitur causā ineundi Matrimonij, ad quod se obligavit, idque dum est in mora, & sine justa causa renuit fidem datam servare. Dico: tali casu Matrimonium inter raptorem & raptam non posse consistere, quamdu ipsa in potestate raptoris manserit, estò etiam liberè jam consentiret.

Ratio est; quia ubi jus non distinguit, ne- *Probatio.* que nos distinguere debemus sine sufficienti ratione. Iam autem Trident, generaliter loquitur de raptore & raptâ; neque ulla est ratio sufficiens, excipiendi sponsum, raptorem sponsæ de futuro. Quamvis enim ipsa debeat Matrimonium contrahere vi sponsalium; equidem neque jus Civile, neque Canonicum concedit sponsa violentiam coactionem, quidquid sit de judece, de quo alibi egimus. Quidni ergò sponsus, vi abducens sponsam suam à domo parentum ad propriam domum, verus debeat censeri raptor, & ut offendens per illam abductionem libertatem Matrimonij, subiectus præsenti Decreto Concilij Tridentini?

Nec obstat: quod existens jam in domo sponsi, liberè in eum consentiat. Quippè Tridentinum petit ad majorem libertatem, ut sit extrà potestatem raptoris, ibi: *Quamdu ipsa in potestate raptoris manserit.* Quid sit autem in potestate raptoris manere, indicat sequentibus verbis: *Quid si raptâ a raptore separata, & in loco tuto & libero constituta, illum in virum habere consenserit, eam raptor in uxorem habeat.*

Ergò aliquid plus requiritur, quam liber consensus; scilicet separatio à raptore, & constitutio in loco tuto & libero. Quam profectò separationem non postulabat Innoc. III. in d. cap. fin. de Rapt. & ideo quoad hoc à Trid corrigitur.

Atque eodem argumento probatur, Tridentinum comprehendere raptum mulieris sive virginis, sive corruptæ, seu etiam meretricis & dishonestæ; quia omnis ille offendit libertatem Matrimonij, ut patet; neque mulier corrupta, & meretrix minus liberæ debent esse in contrahendo Matrimonio, quam virgo & honesta, cùm æquale onus sibi ipsis imponant. Ergò non